

XXXVI

LETTRE DU PRINCE GUILLAUME AUX CONSULS D'ORANGE DU 12 DÉCEMBRE 1559

*(original: Arch. mun. Orange, AA 16; publiée déjà par Pontbriant,
Histoire d'Orange, p. 374 s.).*

Le prince d'Oranges, Conte de Nassau etc., seigneur et Baron de Breda etc.

Chiers et bien amez. Nous avons veu la requeste que de vostre part nous a esté presentee, laquelle avons renvoyé (avecq d'autres) au seigneur de La Bussiere, nostre gouverneur et les gens de nostre parlement afin de vous y pourveoir comme de raison. Avons aussi donné commission a nostredit gouverneur, ensemble au juge en nostre visconté de Besançon et autres noz conseillers pour l'ordre et conduite qui reste encoires a faire cellepart pour la conservation de noz droictures et demeyne, a quoy nous desirons que tenez la main de vostre costel, rendant sur ce tout debvoir d'obeissance et fidelité. Et ce faisant nous trouverez tel que tous bons et loyaulx subjectz doibvent esperer de leur prince droicturier et naturel, comme nous sommes, desirant par tous moiens vostre soulagement et tranquillité. Et certes telle a tousiours esté nostre intention comme plusaplain entendrez par le seigneur de St. Rafael, porteur de cestes lettres. A tant chiers et bien amez, nostre Seigneur vous ait en sa sainte garde. De Bruxelles le XII^{me} jour de decembre 1559.

signé: Guillaume de Nassau.

En bas: A ceulx de la cité d'Oranges.

In dorso: Noz chiers et bien amez, les consulz et gens de nostre maison eschevinalle et populaire d'Oranges.¹